


Rubianonan campeon di USA landamento sinchro



ORANJESTAD - Kyra Hoeverts y Anouk Eman a gana e titulo di campeon nacional di Merca diasabra pasa na Oro Valley, Atlanta cu nan team di landamento sinchro



Hoevertsz a gana cu su team den e categoria junior 15-18 aña den e rutina liber. Nan a logra di haya 152.3946 punto na total. E team ta consisti di shete mucha muhe y nan ta estudiante di Walnut Creek. Den e categoria senior duet 15 aña bay ariba pa rutina liber, Anouk Eman a gana hunto cu su partner Reem Abdalazem y Mary Killman. Nan a haya 171.0653 punto na total.

Mas cu 350 landado a participa pa e titulo di US Senior National Championships, US Junior National Championships y US 13-15 National Championships. Ohio State a gana na final cu 57 punto pa e premio Senior High Point Award. Lindenwood University, na unda Eman ta studia, a logra e di dos luga. □

